

Pisortanit ikiorsiissutit tunniunneqartarnerat pillugu, iliuusissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaat nr. 4, 15. marts 2007-imeersoq

Pisortanit ikiorsiissutit pillugit Inatsisartut Peqqussutaanni nr. 15, 20. November 2006-imeersumi § 8, imm. 2, § 11, imm. 6, § 13, imm. 7, § 18, imm. 3 aamma § 24 imm. 2 naapertorlugit aalajangersarneqarput:

Kapitali 1

Inuit pineqartut

§ 1. Nalunaarummit matuminnga inuit pineqartut tassaapput inuit pisortanit ikiorsiissutinik pisortanit ikiorsiissutit pillugit Inatsisartut peqqussutaanni malittarisassat naapertorlugit qinnuteqartut pisartagaqartulluunniit.

Kapitali 2

Iliuusissatut pilersaarutit

§ 2. Kommunalbestyrelsimit pisortanit ikiorsiissutinik qinnuteqartut pisartagaqartulluunniit ilisimatinneqassapput kommunalbestyrelsi peqatigalugu inuttut namminerminnut iliuusissatut pilersaaruserfigineqarsinnaatitaasut.

Kapitali 3

Sulisinnaassuseq il.il.

§ 3. Pisortanit ikiorsiissutinik suliffissaalerinerinnaq pissutigalugu qinnuteqartunut pisartagalinnullu, piunasaqaataavoq, sulisinnaanermut periarfissat imatut suliffissarsiornermi pineqartup nalinginnaasuusut iluani iluaqutiginiarneqarsimassasut. Pineqartumut ilanngullugu kommunalbestyrelsimit piunasaqaataavoq suliffinnut aalajangersimasunut inuttaqanngitsunut qinnuteqassasq.

Imm. 2. Piunasaqaataavoq, qinnuteqaateqartut pilersorneqarnissamut aamma aalajangersimasunik aningaasartuutitut kiisalu aningaasartuutitut ataasiakkaanut suliffissaaleqinerinnaq pissutigalugu pisortanit ikiorsiissutinik qinnuteqaammut peqatigitillugu suliffissarsiuussisarfirmmut nalunaarsimassasut suliffissaqarsinnaanissamut ikiorserneqarsinnaanissaq siunertaralugu.

Imm. 3. Ikiorsisutit pissarsinnaanissamut piunasaqaataavoq, qinnuteqartut pisartagalillu sulilersitaasinnaanissamut naammaginartumik neqeroorutitut akuersaarsimassasut.

§ 4. Pisortanit ikiorsiissutininik suliffissaalerinerinnaq pissutigalugu pilersorneqarnissamut aamma aalajangersimasunik aningaasartuutininik kiisalu aningaasartuutininik ataasiakkaanut qinnuteqartut pisartagaqartulluunniit, ullormik ataatsimik siumoortumik nalunaarfigineqarlutik suliffimmik tiguisinnaassapput sulilersitaasinnaanermillu neqeroorut atorlugu aallartissinnaassallutik.

Imm. 2. Suliffimmik tigusineq aamma sulilersitaaneq aallartinneqarsinnaassapput, qinnuteqartumut pisartagaqartumulluunniit neqeroorutip ingerlateqqinneqarneraniit ullup ataatsip qaangiunnerani ullup suliffiusussap aallartinnerani.

Imm. 3. Qinnuteqartoq pisartagaqartorluunniit kommunimut takkussinnaassaaq, tamatumunnga kommunalbestyrelsimiit aggersarneqarnerup tiguneqarneraniit ulloq ataaseq qaangiuppat.

§ 5. Pisortanit ikiorsiissutininik suliffissaalerinerinnaq pissutigalugu qinnuteqartut pisartagaqartullu pissusaaffeqanngillat sulisinnaanerminnik periarfissanik atuisinnaanissaminnut suliffeqalernissaq sulilersitaanissarlup pillugu neqeroorummit akuersaarinninissamut:

- 1) Neqeroorut isigineqarsinnaanngippat naammaginatut neqeroorutitit pissutsit neqeroorutip imarisaanut tunngasut pissutigalugit,
- 2) Qinnuteqartoq pisartagaqartorluunniit sulisinnassanngippat napparsimaneq pissutigalugu, imaluunniit manna tikillugu suliffiup ingerlatiinnarneqarnerani peqqissutsip ajorseriarsinnaanissaanut navianaateqarpat.
- 3) Qinnuteqartoq pisartagaqartorluunniit naartuneq, ernineq qitornarsiartaarnerluunniit pissutigalugit sulinnigiffeqarsinnaatitaavoq, naartunermi, erninermi qitornarsiartaarnermilu sulinnigiffeqartarneq il.il. pillugit Inatsisartut peqqussutaanni malittarisassat naapertorlugit, suliffeqareersimanissamut piunasaqaataasoq eqqaassanngikkaanni, imaluunniit
- 4) Qinnuteqartoq pisartagaqartorluunniit § 8 naapertorlugu piffissamut sulinnigiffiusussamut ilaatinneqarsimappat.

§ 6. Kommunalbestyrelsimiit, pilersorneqarnissamut, aalajangersimasunik aningaasartuutininik kiisalu aningaasartuutininik ataasiakkaanut pisortanit ikiorsiissutininik qinnuteqartut pisartagaqartulluunniit naliliiffigineqassapput sulisinnassuseqarnerisut, suliffeqarnermi sulisinnassuseqarnerat qularutigineqassappat.

Imm. 2. Kommunalbestyrelsimiit, pilersorneqarnissamut, aalajangersimasunik aningaasartuutininik kiisalu aningaasartuutininik ataasiakkaanut pisortanit ikiorsiissutininik qinnuteqartut pisartagaqartulluunniit naliliiffigineqassapput sulisinnaanerminnut periarfissaminnik iluaqutiginnissinnaanermi ikiorserneqarnissamut piunasaqaatinik suli eqquutsitsisuunersut, pineqartumit

- 1) Suliffik innersuunneqartoq itigartinneqassappat
- 2) Sulilersitaanermik neqeroorummut takkutinnigippat
- 3) Kommunalbestyrelsimiit ataatsimeeqateqarnissamut isumaqatigiissutaasimasumut takkutinnigippat, imaluunniit
- 4) Napparsimaneq pissutigalugu kommunalbestyrelsimut sulisitsisumulluunniit, tassani sulilersitaanissaq neqeroorutaasimasumut, pineqartorluunniit sulisitsisuminit sulilersinnaalernissaq pillugu oqaloqatiginnikkiartorluni ataatsimiigiarinnissamut nalunaaruteqanngippat.

§ 7. Suliffissaaleqinermi ajornarsiutit qaavisigut ikiorserneqarnissamik qinnuteqartoqarpat

pisartagaqartoqarpalluunniit, kommunalbestyrelsimit naliliivigineqassaaq, pissutsini ataasiakkaani § 5-imit taaneqartunit allaanerusunik pissuseqartoqarnerseq, pineqartup sulisinnaanerminut periarfissaminik atuisinnaanerminik pisussaaffeqannginneranut tunngavigineqarsinnaasunik.

§ 8. Pisortanit ikiorsiissutinik pilersorneqarnermut, aalajangersimasumik aningaasartuutitut kiisalu aningaasartuutitut ataasiakkaanut pisartagaqartut piffissami imminnut ataannartuni qaammatini 6-ni, piginnaatitaaffeqarput ulluni 14-ini piffissamut sulinnigiffiusussamut peqataatinneqarnissamut.

Imm. 2. Piffissaq sulinnigiffiusussaatitaasooq ataatsimortumik sulinnigiffiusaaq aamma piginnaatitaaffiup pissarsiarineqarneraniit qaammatit 6-t qaangiutinnginnerini.

Imm. 3. Pissarsisup sivikinnerpaamik ullunik 14-inik siumoortumik nalunaarutigalugu kommunalbestyrelsimut nalunaarutigissavaa kissaatiginerlugu piffissap sulinnigiffiusussap atornissaa.

Imm. 4. Kommunalbestyrelsimit anguniarneqassaaq, piffissamik sulinnigiffeqarfiusussamik pissarsisooq sapinngisamik isumaqatigiissuteqarfialugu aalajangersarneqassaaq.

Kapitali 4

Sulisinnaassuseqannginneq il.il.

§ 9. Pisortanit ikiorsiissutinik pilersorneqarnermut aamma aalajangersimasumik aningaasartuutitut kiisalu aningaasartuutitut ataasiakkaanut sulisinnaassuseqannginneq pissutigalugu naleqqussarsinnaanikkut ajornartorsiutit imaluunniit peqqissuunnginneq pissutigalugu pissarsisartunut piunarsaqataavoq, qinnuteqartoq kommunalbestyrelsimit naliliivigineqarsimassasooq nalinginnaasumik atugassarititaasut atorlugit suliamik isumaginnissinnaanngitsutut.

§ 10. Pisortanit ikiorsiissutinik sulisinnaassuseqannginneq pissutigalugu naleqqussarsinnaanikkut ajornartorsiutit imaluunniit peqqissuunnginneq pissutigalugu pissarsisartut, aggersarneqarenermi kingorna qaammatit 3 tamaasa kommunimut malinnaavigineqarlutik ataatsimiigiartassapput.

Imm. 2. Malinnaavigineqarnermi aalajangiiffigineqassaaq, pisortanit ikiorsiissutinik pisartagaqartoq pikkorissarnissamik, katsorsartinneqarnissamik, ilinniakkatigut ataasiakkaanik ilinniartitaanermit peqataatinneqarnissamik assigisaannilluunniit neqeroorfigineqassanersooq suliffeqarnermut uteqqissinnaanerani periarfissai pitsanngorsarniarlugit.

Imm. 3. Malinnaavigineqarnermi naliliivigineqassaaq, pineqartoq ikiorsiissutinut allatut ittunut nuutinneqassanersooq.

§ 11. Pisortanit ikiorsiissutinik pilersorneqarnermut, aningaasartuutitut aalajangersimasunut kiisalu aningaasartuutitut ataasiakkaanut qinnuteqartoq pissarsiaqartartorluunniit suliffeqarnermi napparsimaneq pissutigalugu sulisinnaassanngippat, kommunalbestyrelsimit napparsimanermit uppersaateqartoqarnissaa piunarsaatigineqarsinnaavoq.

Imm. 2. Kommunalbestyrelsimit napparsimanermit uppersaasiinermi aningaasartuutaasinnaasut akilerneqassapput.

Kapitali 5

Annertussusiliineq uppersaasiinerlu

§ 12. Kommunalbestyrelsimiit naliliivigineqassaaq, aningaasartuutit aalajangersimasut sorliit naammaginartutut nalilerneqarsinnaanersut.

Imm. 2. Aningaasartuutit aalajangersimasut naammaginartuunersut nalilerneqarnerini, kommunalbestyrelsimiit pingaartinneqassaaq, qinnuteqaateqartoq pisartagaqartorluunniit:

- 1) siusinnerusukkut nammineq isertitamiinik akilersuisarsimanersoq, aamma
- 2) siunissami naatsorsuutigineqarsinnaassanersoq nammineerluni aningasartuutimik akiliisarsinnaassanersoq.

§ 13. Ineqarnermut akiliutinut ikiorsiissutit aamma atuinikkut aningaasartuutit akilerneqarnerinut ikiorsiissutit kommunalbestyrelsimiit aalajangiiffigineqartassapput aningaasartuutiviit annertussusaat tungavigalugu aalajangersimasumik missaliuussinikkut.

§ 14. Inuuniarnermut ikiorsiissutit kommunalbestyrelsimiit qinnuteqaateqartup pisartagaqartuusullu pilersuisuunermikkut pisussaaffii aalajangersimasumik missaliuussiffigalugit aalajangerneqartassapput aamma inooqateqarnikkut imaluunniit najugaqateqarnikkut pitsaaqutit aallaavigalugit.

Imm. 2. Inuuniarnermut ikiorsiissutit aammattaaq aalajangersarneqartassapput sumiiffinni nunamilu sumiinnermi pissutsit aallaavigalugit, taamaalilluni akit killiffiat, tapertaqarsinnaanikkut periarfissat assingusullu naliliinermut ilanngunneqassallutik.

§ 15. Kommunalbestyrelsi ikiorsiissummik annertussusiliinermini aningaasartuutit annertussusaannut uppernaarsaatiniq piumasaaqateqassaaq, takuulli imm. 3.

Imm. 2. Aningaasartuutit annertussusiinut uppernarsaatit akiligassat allagartarisinnaavaat, kontomit anillatitat, PBS atorlugu akilersuutit assigisaalluunniit.

Imm. 3. Inuuniarnermut ikiorsiissutit uppernarsartariaqassanngillat, kommunalbestyrelsimiilli, pisartagaqartuusup inuuniarnermut suut naammaginartutut isigineqarsinnaanersut toqqammavigisaanik qularnaarinniisunik aalajangersimasumik missaliuussineq naapertorlugu aalajangersarneqartassallutik.

Kapitali 6

Aningaasanngornagit ikiorsiissutit

§ 16. Aningaasanngornagit ikiorsiissutinut ikiorsiinermini akiliuteqartarnek imaluunniit toqqaannartumik akiligassanngortitsilluni allatsitsisarneq siullermeerlutik saaffiginnissuteqartunut tunniunneqarsinnaanngillat, aatsaalli paasineqarsimatillugu, pineqartumit ikiorsiissutit atonerlunneqartartut, imaluunniit ikiorsiissutinik nammineerluni aqutsisinnaanngitsoq, takuulli imm. 3.

Imm. 2. Kommunalbestyrelsimiit aningaasanngornagit ikiorsiissutinut tunniussinermut aalajangiilernermini immikkut isiginiarneqassaaq, qitornaasinnaasut pisariaqartitsinerat eqquutsinneqarnerisooq.

Imm. 3. Nammineerluni pissuussutigalugu pissaaleqisoqalersimappat, imaluunniit meeqqat immikkut ittumik isiginiarneqalersillugit, aningaasanngornagit ikiorsiissutinik siullermeertumik saaffiginnissuteqartumut pisortanit ikiorsiissutinik akiliussisoqartassaaq.

Kapitali 7

Immikkut ittumik pisoqartillugu ikiorsiissutit

Aningaasartuutit ataasiakkaat

§ 17. Aningaasartuutinut ataasiakkaanut ikiorsiissutinik tunniussisoqalinnginnerani kommunalbestyrelsimit qularnaarneqarsimassaaq, qinnuteqartumit aningaasarivimmi taarsigassarsisoqarsinnaannginnersoq qinnuteqartumit siunissami piumasaqaatit akilersinnaassallugit periarfissaqarfigineqartutut isigineqarsinnaasunik.

Kalaallit Nunaanni Danmarkimiluunniit napparsimmavinni napparsimasunut kaasarfimmiut

§ 18. Napparsimasut 18-it sinnerlugit ukiullit Kalaallit Nunaanni Danmarkimiluunniit napparsimmavinniittut, uninnganermi nalaani kaasarfimmioqarnissaminnut piginnaatitaaffeqarput, pisortanit ikiorsiissutinik napparsimasumit piumasaqaataasut eqquutsinneqarsimappata.

Imm. 2. Napparsimasut 18-it inorlugit ukiullit Kalaallit Nunaanni Danmarkimiluunniit napparsimmavinniittut, taamaallaat kaasarfimmioqarsinnaanerminnut piginnaatitaaffeqarput, meeqqanut inuusuttunullu ikiorsiisarneq pillugu Inatsisartut peqqussutaanni malittarisassat naapertorlugit angerlarsimaffiup avataanut inissinneqarsimasuugunik.

Imm. 3. Napparsimasut 18-it inorlugit ukiullit, imminnut pilersorsinnaanermut pisussaaffeqalersimasut, napparsimasutut 18-it sinnerlugit ukiulittulli kaasarfimmioqarnissamut piginnaatitaaffeqarput.

§ 19. Kaasarfimmiut akilerneqartassapput napparsimasup kommuniani angerlarsimaffigisaani siumoortumik kommunalbestyrelsimit isumaqatigiissuteqareersimanikkut siumoortumik sapaatip akunneranut ataasiarluni.

Imm. 2. Immikkut ittumik pisuni, tassani kaasarfimmiut akilerneqarnissaannut tassangaannartumik pisariaqartitsisoqalersillugu, akiliussisoqarsinnaavoq siumoortumik kommunalbestyrelsimit akuersissuteqartitsisoqaaqarani.

§ 20. Napparsimasunut kaasarfimmiut tunniunneqartarput Ilaqutariinnermut Pisorta qarfirmmit ulloq unnuarlu aalajangersimasunik akigitatut aalajangersarneqarsimasut naapertorlugit.

Imm. 2. Kaasarfimmiut tunniunneqartarput ulloq uniffiusoq siulleq aallarnerfigalugu.

Imm. 3. Kaasarfimmiunut akigitataq napparsimasut qanoq ukioqarnerat aallaavigalugu aalajangersarneqartarput tamanullu saqqummiunneqassallutik Ilaqutariinnermut Pisorta qarfiup isumaginninnikkut aningaasannorlugit tunniuttagaanni atuuttuusuni kaajallaasitaq naapertorlugu.

Kapitali 8

Nammagittaalliorsinnaaneq

§ 21. Nalunaarummi malittarisassat naapertorlugit aalajangiinerit, Inunnik Isumaginninnikkut Naammagittaalliuuteqartarfirmmut naammagittaalliuutigineqarsinnaapput Isumaginnittoqarfiup

aqunneqarnera aaqqissuussaanelu pillugit Inatsisartut peqqussutaanni malittarisassat naapertorlugit.

Kapitali 9

Atortuulerfia

§ 22. Nalunaarut manna 1. april 2007 atuutilerpoq.

Imm. 2. Tamatumunnga peqatigitillugu, Pisortanit ikiorsiissutit pillugit Isumaginninnermi Pisortaqarfiup kaajallaasitaa nr. 162, Kalaallit Nunaanni Danmarkimiluunniit napparsimmavinni napparsimasunut kaasarfimmiut tunniunneqartarnerat pillugu Isumaginninnermut Suliffeqarnermullu Pisortaqarfiup kaajallaasitaa nr. 214 kiisalu Napparsimasunut Kalaallit Nunaanni napparsimmavinni uninngasunut kaasarfimmioqarsinnaanermik qinnuteqartarneq aamma akiliuteqartarneq pillugit Isumaginninnermut Suliffeqarnermullu Pisortaqarfiup kaajallaasitaa nr. 222, atorunnaarsinneqarput.

Namminersornerullutik Oqartussat ulloq 15. marts 2007

Aleqa Hammond

/

Martha Lund Olsen